



**Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 143. Romanorum applausus ob restitutam Ecclesiæ pacem

---

[urn:nbn:de:hbz:466:1-66507](#)

ea die septimo Februarii data Papa Ger- Sæcul. XV.  
A.C. 1447.  
manorum Nationi concessit, approba-  
vitque plures articulos circa beneficia,  
Diœcesium jurisdictionem, subditos, at-  
que Episcoporum Vasallos, annatas, &  
*communia servitia.* Iusuper omnia contra  
auctoritatem Sedis Apostolicæ durante  
schismate attentata nulla & irrita decla-  
ravit; Omnesque, qui Congregationi Basi-  
leensi sub nomine generalis Concilii post  
dissolutionem prædictæ Synodi adhæserunt,  
Et qui jam ad obedientiam Papæ reversi sunt,  
vel redierint, absolvit, ac pristinis suis  
officiis, beneficiis, atque dignitatibus re-  
stituit. Omnia Et singula de Venerabilium  
Sanctæ Romanae Ecclesiæ Cardinalium con-  
silio Et assensu.

## §. CXLIII.

*Romanorum applausus ob restitutam  
Ecclesiæ pacem.*

Absoluto Legatorum colloquio rursus  
in publico Patrum Senatu. in quo  
absente Papa Cardinales præsidebant,  
Cæsar, aliorumque Principum mandata  
fuere promulgata, necnon in gratiarum  
actionem supplicatio decreta. Inde fe-  
stis ignibus reluxit civitas, ærisque  
campani sonitus ubique audiebatur. Car-  
dinales, ceterique Prælati instructo sup-  
plicationis ordine a D. Marci usque ad  
*Hist. Eccles. Tom. XXVIII.* L. Basili-

Sæcul. XV. Basilicam S. Joannis in Laterano processione A.C. 1447. ferunt, & S. Sylvesteri Papæ mitram, quam paulo ante Avenione Romam delatam, Eugenius ex Vaticano ad Palatum Lateranense transferri jussérat, ac præterea S. Joannis Baptæ caput, præcipuasque Sanctorum reliquias in Ecclesiis affervatas detulerunt. Postea solemne Sacrum celebratum est, atque de Eugenii Papæ, & Friderici Imperatoris laudibus sermo habebatur. Sanctus Antoninus, eo tempore Florentinorum Archiepiscopus, qui totam hujus rei seriem nobis scriptam reliquit, se ipsum cunctis interfusile testatur.

### §. CXLIV.

*Eugenius primo extremam unctionem sibi a S. Antonino conferendam recipere cunctatus.*

Cum Eugenii morbus indies magis magisque ingravesceret, S. Antoninus eundem accessit accepto sacro oleo, ipsi extremæ unctionis Sacramentum administraturus. Cui intranti Eugenius erecto animo ac voce adhuc firma, quid est, inquit, adhuc sum fortis, cum aderit hora, admonitum te faciam: sive modo.

*Platin. & Ciacon. de rit. Pontif. in Eug. IV.* Pugnabat vicinam adversus mortem intrepidus Pater, hacque animi fortitudine corporis sui debilitatem, ac mortis proximæ